

Ilannussaq 3

Illup iluani isaterinermut atatillugu eqqiaanermi isumannaallisaatit

Suliap aallartinnginnerani piareersarneq

Suliap aallartinnginnerani pequtit aallakkaasuunngitsut aalaakkaasullu tamarmik asbestip pujoralaqarpata eqqiarneqassapput inigisaanillu peerneqarlutik, ilanngullugit soorlu qulliit aamma ilisiviit. Eqqiaane ingerlanneqassaaq støvsugerimik asbestip pujoralaanik¹ uninngatitsisinnaasumik milluaasulimmik peqqissaartumik støvsugerlugit taavalu isugutattumik eqqiarlugit. Saagut aamma annoraamernit allat errorneqassapput imaluunniit atorneqaqqittussaajunnaarsinneqarlutik.

Taava ulissorneqassapput radiatorit, silaannarissarfiit, pisattat aalaakkaasut, iikkat maaniitsut soorlu, qarmasissianik iigaliat, marraat natissiat, igalaat aamma natit pujaralammik ingalassimatitsisartuunngitsut atorummik ninngusuumik, soorlu plastikkimik ninngusuumik, nipittartumik aalajangerneqarlutik ajornanngippat silaannaarlugit.

Eqqiaaqqissaarneq

Eqqiaaqqissaarneq ingerlanneqassaaq siullermik støvsugiilluni taavalu masattumik eqqiaalluni, apeqqutaalluni atorussiap qanoq ittuunera.

- Qaammaqqutit atortui eqqiarlugit, qilaami qaammaqqutillu ataneri aamma qilaami aamma iikkami katiguffii støvsugerlugit
- Støvsugeri issigersiseqassaaq asbestip pujoraaanik uninngatitsisinnaasumik.
- Uliliunneqarsimasut peqqissaartumik peerneqassapput eqqiaalivinnermi. Uligineqarsimasut peqqissaartumik poortorneqassapput igitassatullu asbestitalittut suliarineqarlutik.
- Natit asanneqassapput. Tæppeqarpat taakku peqqissaartumik støvsugissapput. Tæppit isaterilinnginnermi peerneqarsimannngitsut pingasoriarlugit immikkut errorneqassapput pitsaasumik sukkasuumillu panererneqarlutik oqulinnginnissaat pinaveersimaniarlugu
- Uligineqartut peerneqassapput.

Eqqiaaqqisaareernermi

Eqqiaaqqisaareernermi peqqissaartumik silaannarissaasoqassaaq ullormik unnuamillu ataatsimik sivisussusilimmik. Kingorna eqqiaaqqissaartoqassaaq (støvsugerluni/asaalluni) peqqissaartumik silaannarissaaneq nangeqqinneqassaaq aamma taama sivisussusilimmik.

Init taava atorneqarsinnaalerput.

Eqqiaanermi sulisut

Eqqiaaqqissaarnermik sulisut, isaterinermik suliaqarnermi imminut illersuutit atorneqartartut assigi atussavaat. Siullermeerluni silaannarissaareernerup kingorna imminut illersutit atornissaat piumasaqaataannngilaq.

¹ Sullivinnik nakkutilliisoqarfiup asbestitalinnik eqqiaanermi atugassatut naleqquttutut isigai støvsugerip issigersisai piumasaqaatinik makkuninnga naammassinnittut: DSEN 60335-2- 69 støvklasse H imaluunniit BIA-p støvsugerinut piumasaqaatai støvklasse H imaluunniit piumsaqaatit BS 5415: Part 2: Section 2.2 type H støvsugerimut.